

福

8



漕運全書卷之

通漕運艘歷年成案

一康熙十九年五月戶部咨稱山東省造船給獎程料銀五千七百三十五兩二分零查造船每隻已照定例給料價銀二百八兩零此外又給裡料等銀一百一十兩零甚屬浮多以後停其支給照數解部至各衛所三修銀一千五百三十三兩二錢四分查江南省每艘給修船銀七兩山東省每艘給修船銀九兩



十兩不等比江西過多應令畫一裁給報部

一康熙十九年七月督造清江廠漕舡禮部員外郎保  
耐等疏稱臣等督造山東省漕舡七十二隻每舡計  
銀一百七十七兩一錢零共用銀一萬二千七百五  
十五兩零部省銀二千二百七十六兩六錢零應請  
開銷等因 工部覆准遵行

一康熙十九年十一月帶管漕務靳輔題

戶部覆

准蘓太等衛舡隻原係康熙十六年後折漕停運雖

係限滿未經運糧仍令加修出運

一康熙二十年正月江西巡撫安世昂題

戶部議

覆江西省缺額漕舡于輕賚銀內動支酌量造舡六  
十二隻其餘不敷之舡仍令照例將滿料舡隻修理

起運其江南減存銀兩應令總漕速行催完解部

一康熙二十年十一月浙江巡撫李本晟題

戶部

覆准浙省凍阻漕舡糧米未交運丁不便發回先經  
臣部具題將凍阻舡糧冰泮之日于河下兌放將空



舡速催回淮修理接兌新運但漕糧關係重大運丁既不發回應各該撫速行催舡令各監兌佐貳等官協同押運到淮交與運丁自浙至淮俱係平水每石給催舡銀一錢四分殊為浮多應每石減去四分給銀一錢

一康熙二十一年五月漕運總督邵甘題 戶部覆

准清江廠造舡料價銀兩係部差官員減定應將浙省舡隻照清江廠價裁減

一康熙二十一年九月漕運總督邵甘題 戶部覆

准山東旂丁自備舡隻既已造完應行起運所支行月錢糧應造入奏冊送部查核所有撤回協運舡隻抵補江南應造漕舡之數將節省修船料價銀兩行令總漕作速扣明報部

一康熙二十一年九月漕運總督邵甘題 戶部覆  
准查定例造舡料價江西浙江併江南所屬新宣建安蘓太等處俱二百八十三兩二錢零湖廣二百五



十兩康熙十七年臣部會同工部議將浙江省減銀  
二十二兩二錢四分零江南之新宣建安蘓太等九  
衛減銀七十四兩四錢九分零江西省准其照舊十  
九年照員外郎麻耐等所減清江廠價值浙省又減  
銀三十九兩五錢零新安等四衛併蘓太等五衛又  
減銀三十一兩六錢零江西省減銀四十二兩九錢  
零湖廣省減銀七十二兩八錢四分零今該督既稱  
屢次核減船不堅固除浙江省江南所屬新宣建安  
蘓太鎮金鎮等衛先減過價值不給外其照麻耐等  
成造清江廠之價所減湖廣江西浙江及江南之新  
蘓等九衛料價銀兩俱行復給

一康熙二十二年五月漕運總督邵甘疏稱江清二廠  
船料減價旂丁甚苦先經題請復給部覆以江寧廠  
照舊復給其清江廠俟造船時題請令康熙二十年  
併二十一年分該廠額造船二百八十六隻應請將  
減價復給等因 工部覆准遵行



一康熙二十二年九月副都御史色克德等題 戶部議覆江浙等省漕舡過於寬大令照麻耐等所造式樣打造并令總漕各督撫將用過銀兩造入奏銷冊內查核嗣後漕舡俱照此式打造

一康熙二十三年三月湖廣巡撫王新命咨 戶部覆准二十一年楚省配造舊舡每隻給銀一百七十七兩零之內扣底板銀二十七兩應仍令該撫扣除報部

一康熙二十三年六月江西巡撫安世鼎等疏稱江西省勘年滿料并現在滿號漕舡統計二百七十一隻酌議今年應造舡一百五十隻共需料價銀二萬六

千五百七十二兩九錢八分應請及時打造等因

戶部覆准遵行

一康熙二十三年十月漕運總督邵甘疏稱各幫原定零舡零丁遵照部議裁減共減舡三十二隻八分丁五百三十九名二分等因 戶部議覆各幫零舡

既經裁減其行月等項錢糧應令造入各該省奏銷冊內報部查核

一康熙二十四年二月江西巡撫安世鼎題 戶部覆准江西新式打造漕舡并二十四年分歲造共二百三十七隻按一淺裝載其舊式寬大舡隻照舊加



載仍有不敷令總漕于江南截留京口或存舡隻內酌撥濟運

一康熙二十四年八月漕運總督徐旭齡疏稱浙江幫次有可合一幫者每分為數幫應請附近歸併其中幫舡少者併二為一小幫舡尤少者併三為一等因

九卿詹事科道覆准遵行

一康熙二十五年十一月漕運總督徐旭齡咨稱大河衛前幫康熙二十四年分催募民舡一十二隻免運

淮屬漕米或准給水脚或支給行月咨部示覆等因

戶部議覆大河衛前幫催募民舡應照例支給

水脚造入奏銷冊內送部查核

一康熙二十六年三月漕運總督徐旭齡咨稱康熙二十三年分濮州所旂丁張瓊等造舡十一隻應給月糧請照例子二十五年裡料銀內動給等因

戶部議覆准行

一康熙二十六年十月漕運總督慕天顏題

九卿



詹事科道覆准各省漕舡應照舊例查明現運舡數  
加一成造其江西原額舡隻向例將鎮江府屬舡一  
百六十五隻撥赴應運往迤二千餘里行月錢糧毫  
不加增運丁深以為苦而江南舡隻仍不敷用應將  
江南協運舡仍歸江南運糧其江西缺舡應否補造  
應令總漕江南江西巡撫會議具題

一康熙二十六年十月漕運總督慕天顏疏稱各省造  
舡舊制每隻料價銀二百八十三兩卅次遞減止開

銷二百八兩零又差部臣監造僅給銀一百七十七  
兩零舡小載重喫水過深沉滯難前仍請復給二百  
八兩零之數其式量加寬大庶稱穩便等因 九

鄉詹事科道議覆准行

一康熙二十六年十月漕運總督慕天顏疏稱漕舡修  
飛銀兩自一年以至十年遞增銀數各省不同造報  
奏銷案牘甚煩請將通漕歲修各數均勻派給不必  
查其幫丁姓名之更替酌中每年出運一舡給銀七



丙五錢十年共給銀七十五兩等因

九卿詹事

科道議覆准行

一康熙二十七年三月江寧巡撫田雯疏稱江寧蘄州  
等府屬康熙二十七年起運二十六年分漕米因蘄  
州太倉江淮興武等衛新造舡隻未到以致有米無  
舡所有蘄州衛領運千總王應龍蘄州府監兌通判  
李世敬等一併題參等因 戶部覆准將修造各  
員并該管糧道分晰題參至監兌通判李世敬領運

千總王應龍等違限月日交與吏兵二部議處其違  
悞舡糧行令總漕作速催趲

一康熙二十七年五月江西巡撫王鵬題 戶部覆

准江西省康熙二十六年分漕糧四十九萬四千八  
百二十五石零共用本省並江南協舡八百九十五  
隻今康熙二十七年分漕糧四十九萬五千二百九  
十餘石本省有應運舡八百一十隻又應賂造舡二  
十五隻合算共有舡八百三十五隻尚不敷舡六十



一隻應令總漕將江南減存舡內撥協六十一隻發  
往江西暫運一年其缺舡應否補造之處仍令作速  
會議具題

一康熙二十七年七月戶部咨江安糧道所屬康熙二  
十三年分支放漕項錢糧冊開給過省衛造舡鑄夫  
銀七千六百七十八兩五錢一分零本部以造舡有  
額定料價何獨省衛于料價之外多給鑄夫銀兩應  
令速行點數追完報部不完即行題參

一康熙二十八年二月漕運總督董訥總河王新命等  
疏稱滿號漕舡各處俱係給銀各丁自造惟江寧廬  
州等府山東省舡隻係江寧清江二廠匠役成造甚  
為有弊應照浙江等省給銀各丁自行成造應支料  
價銀兩近則赴臣衙門當堂驗兌其在各省者令該  
管衙門呈送就近督撫照數驗給等因 戶部議  
覆准行并令將廠軍裁汰其管理二廠同知有無兼  
管事務應否裁去之處行令總漕查明題報



一康熙二十九年六月漕運總督董訥疏稱部查江寧清江二廠同知有無兼管別事臣查江寧同知原係專設管糧之員續經歸併監造漕船清江廠船政同知係專司漕船之員別無兼管等因 戶部議覆清江廠同知既無兼管事務相應裁去至江寧廠同知既係專司管糧之員仍留管糧其船政關防送部銷燬

一康熙二十九年八月漕運總督董訥疏稱河南赴運

漕糧共需船四百五十九隻向在山東等省漕船協運自康熙二十二年改折之後各船有撤回本省者亦有年久沉溺底板變價解部者現今缺少船隻或令各丁自備裝運給以行月錢糧或令各丁暫行僱募裝運給以腳價等因 戶部覆准將現存船二

百一十隻通州天津二衛所船三十九隻協運其餘徐州長淮二衛協運船一百二十八隻并山東朽壞船八十二隻恐一時備造不及應令暫行僱募起運仍



將節省行月錢糧併潤耗銀米扣除解部

一康熙二十九年十一月江西巡撫宋學等疏稱江西省起運康熙二十九年分漕糧尚缺舡二十八隻請于江南減存舡內照數撥協運送等因 戶部議

覆准行

一康熙三十年二月漕運總督董勳咨稱河南省起運漕糧前經題請將東省各舡仍歸協運其東省缺舡或令自備或令催募奉部以東省運米舡隻不敷若

干查明再議今查臨清衛山東前幫額舡原足無缺德州濟寧等衛所共缺舡六十六隻已令各丁備補兌運其支領行月潤耗銀米與抵補舡隻相同並無多費等因 戶部議覆德州等衛自備舡隻既係

催募未便支給行月銀米照例支給水腳銀兩

一康熙三十年六月江西巡撫宋學等題 戶部覆

准江西省缺舡七十八隻于江南減存舡內撥給永

行協運



一康熙三十一年三月河道總督靳輔疏稱欽奉

上諭將漕糧二十萬石令運至蒲州臣巴谷會漕臣改撥江

淮等衛舡三百八十四隻裝運起行而剝舡一項漕

臣以北運亦須剝舡若截借西行恐悞抵通不若暫

借他項錢糧給與各幫弁丁自僱剝舡其所借之銀

仍于行月之內三年扣還等因 戶部議覆准行

一康熙三十二年十月漕運總督興永朝題 戶部

覆准江蘓等屬康熙三十一年起運三十年分截留

漕糧各衛漕舡支過三修銀兩已供修舡之用應全

行豁免

一康熙三十三年五月署理漕務于成龍咨稱東省各

衛所漕舡向因豫舡抵補歷年未造今豫舡既歸河

南則東省積缺舡隻自應補造足額查濟寧東平二

衛所積缺漕舡共六十三隻俱係過號不堪裝運請

照數補造等因 戶部議覆准行

一康熙三十三年七月漕運總督王棟等疏稱前任總



漕興永朝條奏下江鎮江府城存舡內每年撥運江  
西舡七十八隻即留下江之用江西缺舡將上江舡  
隻協濟又疲丁承造舡料官給之外無力補苴即延  
揆不造部議令新任總漕會同該督撫確議具題臣  
等查江西漕舡全書額載係一千三隻以額米扣算  
儘足載運皆係地方官怠玩貪造旂丁躲避差徭以  
致不敷所有江南七十八隻不便遠涉江湖應停其  
協運其江西漕舡應令該撫盡行查出照額糧扣算

載運至廬鳳等衛成造舡隻康熙二十八年改歸各  
旂丁領價自造非僱覓工匠不全即採辦料物不堪  
嗣後仍照舊例在清江江寧二廠修造給丁領運等  
因 戶部議覆准行

一康熙三十四年六月二十五日奉

上諭江北舡隻裝運江北米石洒帶過多舡小載重着問明  
原任總漕興永朝作何添設舡隻之處公同會議具奏欽  
此 戶部會議覆准江北廬州鳳陽等幫每隻裝



米不過五百石無庸議外大河衛前幫舡四十五隻  
兌運山陽等州縣每舡裝米五百四十九石零令以  
每舡裝米五百石計算仍餘剩米二千二百四石零  
應添舡四隻泗州衛前幫舡四十六隻兌運海州等  
州縣每舡裝米五百八十石零令以每舡裝米五百  
石計算仍餘剩米三千七百一十二石零應添舡七  
隻此所添一十一隻應于題報裝載貨物入官抵湊  
歲造舡一百四十三隻之內撥用每隻照例用丁十  
名支給行月錢糧嗣後陞科米數過多停其洒帶總  
漕將陞科米數預先題明撥舡濟運

一康熙三十四年七月漕運總督王樞疏稱浙省糧道  
事務繁多歲造漕舡不能親身查驗請照江南之例  
添設舡政同知一員監造等因 戶部議覆浙省  
從無設立舡政廳員應毋庸議奉

旨這添設舡政同知著照該督所請行欽此

一康熙三十四年十二月漕運總督桑格疏稱江西漕



舡重大過浚難行是以各帶小舡一隻預備起剝後  
有不法官丁竟帶大舡私攬客貨致被題參將私舡  
入官并不許隨帶剝舡臣思漕舡開行刻不容緩若  
不准帶剝舡一過浚阻勢必稽遲止應嚴禁私帶大  
舡而裝載一二百石之小舡應仍請隨帶等因  
戶部覆准每漕舡一隻准其隨帶裝載一百石之小  
剝舡一隻其過百石之舡不准隨帶

一康熙三十五年八月漕運總督桑格咨稱東省濮州  
等衛所運丁赴淮造舡向有支給月糧之例後因裁  
廠是以奉部駁追令既復設舡廠仍令運丁赴廠成  
造應請照例支給月糧等因 戶部議覆准行

一康熙三十六年十月漕運總督桑格疏稱先經戶部  
以江南省江淮興武二衛造舡支給料價外其鑽夫  
銀兩行令扣追但查二衛並無贍運屯田又無什軍  
幫貼給此鑽夫銀兩原因造舡料價不足議令餘丁  
協濟並非公帑况昔年造舡一隻給料價銀二百八



十三兩零之外尚給鑽夫一項今每隻止給料價二百八兩零若將協濟之銀再行扣追是窮丁無力私貼勢必造不堅固貽誤漕糈請將二十二年以後扣追者免銷未給者撥給等因 戶部議覆准行

一康熙三十七年十二月總督倉場德珠等咨稱山東濟寧等衛所自備舡三百一十二隻裝運漕糧迄今十五六載修舡舡隻並無料價閏月錢糧又無贍地什軍幫貼致使貧富皆苦請照通州天津兩幫出運

各丁自備舡隻之例在通濟庫支給修舡閏月銀米

等因

戶部議覆准行

一康熙四十二年九月漕運總督桑格咨稱湖北貼造開丁銀兩因旂丁成造漕舡工大費繁非賂累數百金不能完工經前任總漕蔡士英題定將各衛所開丁令其輸納丁銀以為幫貼造舡之用但楚省自十二年漕糧停運舡隻未造丁銀解部迨至二十年北運復興漕舡僉丁成造丁銀未奉支給今各衛所漕



舡應輪再造窮丁無力賠償照江南省鑽夫復給之  
例請照冊撥項補給等因 戶部覆准動支減存

銀兩給發成造如有不敷於輕賚銀內補足仍造冊  
報部查核

一康熙四十四年十二月江西巡撫卽廷極疏稱江西  
省回空舡內南昌等幫漕舡六百餘隻凍阻北河其  
安福袁州等衛所到次漕舡二百一隻約可兌運漕  
糧一十六萬八百石尚有額運正副米四十七萬一

千一百四十八石零無舡可載應照康熙二十二年

催募民舡運米到淮之例州縣每石捐銀五分旗丁

於一斗三升副米內每石扣給食米四升行月錢糧

內每石扣給銀七分每石共給催價銀一錢二分食

米四升至兌運漕糧責令運官收領沿途督率催押

抵淮統委管糧通判監兌復載所需舡腳除旗丁行

月錢糧內照正米數目扣給外尚應捐銀三萬二千

九百八十餘兩臣躬率全省司道府縣公捐俸銀湊



足應用等因

戶部覆准遵行

一康熙四十五年二月漕運總督桑格東撫趙世顯咨稱山東省四十二三兩年緩徵漕糧奉部于四十四年徵收附搭運送查帶徵漕糧計三十七萬石有零為數甚多本省各幫漕舡共七百五隻足裝本年正糧今帶徵漕糧未便遽請添舡糜費錢糧請僱民舡裝載令各幫弁丁督押抵通交納其僱募舡隻在於道庫漕項銀內照例每石給水腳銀二錢等因

戶部議覆准行

一康熙四十五年二月漕運總督桑格咨稱淮安府清江廠船政同知滿都自康熙三十九年八月二十七日到任接管前任夏同知交代料物共收過銀二十六萬七十九兩五錢二分零造過舡一千一百二十六隻每隻用銀二百八兩七錢七分三厘共用過銀二十三萬五千七十八兩三錢九分零現存料價銀二萬五十一兩一錢三分零今四十四年分奉部准



造船五百一十二隻共需料價銀十萬六千八百九十一兩七錢七分零除存剩料價銀兩外尚缺料價銀八萬一千八百九十兩六錢四分零請於江安糧道存庫減存銀內撥補以濟急需等因 戶部議覆准行

一康熙四十六年八月漕運總督桑格疏稱東省康熙四十二三兩年漕糧緩徵於四十五年催募民船帶運其潤耗銀米俱係運丁沿途盤凌起剝交倉晒曬

等項費用民船裝載與漕船虧耗均屬一體若不給與潤耗銀米必致運丁賂累請照例每石支給潤耗米五升銀五分等因 戶部覆准遵行

一康熙五十年正月漕運總督桑格疏稱東省漕船較各省幫船褊淺裝運本年額糧業已滿足所有康熙四十五年帶徵四十二年漕糧應照四十年帶徵漕糧之例催募民船裝運每石給水腳銀二錢於道庫存貯銀內支給等因 戶部覆准遵行并令嗣後



如有此等之事俱令總漕具題

一康熙五十二年十二月江寧巡撫張伯行疏稱鎮屬丹徒丹陽二縣運河淤淺熬壩興挑計江浙共有未進口回空舡二千六百餘隻應令停泊瓜揚修飭工畢赴次受兌等因 戶部覆准遵行

一康熙五十二年十二月浙江巡撫王度照疏稱江南省回空幫舡因丹徒丹陽二縣運河淤淺熬壩挑浚其未經進口舡隻停泊瓜揚修飭工畢赴次受兌經

江撫題明在案今浙省回空羈阻壩外之紹台各幫舡隻應照江南之例給銀該運官趕赴壩外修飭完工俟開壩之日飛輓來次受兌開行其在後過淮各舡若屆開壩之時着令星輓抵次隨修隨兌以副准限等因 戶部議覆准行

一康熙五十二年十二月漕運總督卽廷樞疏稱湖北各衛所編審開丁銀兩原以幫貼造舡之需自康熙四十三年起至四十八年止徵收開丁銀兩祇緣未



遇造期是以彙行解部今值成造之年請循例發還  
同現存道庫銀兩一併給發等因 戶部覆查康

熙二十六年經九卿詹事科道題定將各省料價一  
例給銀二百八兩七錢七分零較從前所給銀一百  
七十七兩一錢之數已足造船之用其開丁銀兩各  
省久已停給應將該督題請之處毋庸議

一康熙五十七年二月戶部咨查五十五年分清江廠  
造船案內各關州縣衛所原額料銀若干除荒蠲免

若干實徵解廠若干速催造冊送部仍令嗣後按年  
一例造送

一康熙五十九年七月漕運總督施世綸疏稱江寧廠  
每年造船一百一十八隻需用料價銀二萬四千六  
百餘兩額派造船料銀止二萬二千六百兩零每年  
原缺銀一千九百餘兩况額派州縣料銀係屬隔年  
奏銷有遲至冬底遲至次年更有被災帶徵遲至數  
年以後始行補解者至蕪湖關額派料銀任備之後



始行解完是以每歲解廠不過十分之五而漕艇上  
廠排造例於八九月間應需物料產自江廣必先有  
一年錢糧預赴採辦丁艇一到隨給攢工庶無悞運  
此撥補之請萬難刻緩查五十一二兩年撥補銀兩  
除節年添補缺額并五十八年所需造艇之外實存  
不足五千之數何能先期採辦二萬多金正料應請  
循例准於就近龍江關撥補銀二萬兩預購物料等  
因 戶部議覆額派州縣并蕪湖關料銀自應按

期徵解今本年解廠因何止有十分之五應令該督  
嚴飭各州縣并蕪湖關監督嗣後務令依期解廠以  
免撥補之請如仍有徵解遲延以悞漕造即行查叅  
至現在所缺銀兩准其於龍江關銀內撥補

一康熙六十年十一月湖廣巡撫張連登疏稱康熙六  
十年起運五十九年分漕糧奉文截留豫省經河南  
巡撫題請仍舊運通以致回空遲滯今六十一年起  
運六十年漕糧若非僱用民艇難副兌開之限速著



本年應運旂丁將上年存留漕船星速修驗俟兌其未歸漕船照例催募民船長運抵通等因 戶部議覆准行

一康熙六十年十一月江西巡撫王企靖疏稱江西省回空軍船時已冬季尚無抵次准部咨令查明成存船隻受兌裝運不敷船隻照例捐催民船受兌糧道親押抵淮如遇回空船隻換載上船照依抵通今查南昌九江廣信吉安建昌等幫回空船後船共二百

三十三隻應捐催民船載運奈江西省民船小板薄難涉江湖請委員往楚省漢口催覓大船所需催募水脚應照江省催募舊例每正耗米一石給銀一錢二分仍于旂丁一斗三升耗米內給民船飯米四升其水脚銀一錢二分內扣旂丁行月銀七分外尚需銀五分應照例令有漕州縣各官公捐至現需催募水脚暫動藩庫銀五千兩往楚速催大船來江受兌其地方各官應捐銀數一時力難捐濟統俟事竣核



實用銀確數同全省司道府縣各官公捐俸銀補項  
再催募民船運淮復載與每年軍船到次受免者有  
間恐稍遲淮限理合聲明等因 戶部覆准將催

募民船照例扣旂丁行月銀七分米四升各官公捐  
銀五分速催受兌運淮復載至所稱差員往楚催募  
民船與每年軍船依期到次受免不同誠恐稍遲淮  
限但查二十二三年催船運送共米六十三萬餘石俱  
係就地催船兌運並未請寬淮限今止催船裝運米

一十二萬八千餘石何得以往楚催船為詞請寬淮  
限應將該撫所請寬限之處毋庸議至所借庫銀作  
速捐補還項報部仍將催募船隻用過銀米以及公  
捐銀兩并不能到次船隻確數一并分晰造冊具題

一康熙六十一年四月漕運總督施世綸疏稱上年回  
空凍阻諸艘值東省熬壩開河未即南下而春來少  
兩自山東靳家口起至邳一帶鄆鄆凌阻至今有二  
千餘隻尚在東境臣將江南江西浙江等省所捐催



民舡到淮者盤驗換載確行外其未到者盤驗之後亦令過淮迎舡換載等因 戶部議覆准行

一康熙六十一年五月湖南巡撫王之樞疏稱康熙六十一年起運六十年分漕糧先因回空凍阻經臣飭令催募民舡依限兌開迎舡換載業將兌開日期題報在案惟民舡抵淮守候漕舡修艙複載恐耽時日請將民舡加添舡戶水脚長運抵通其回空漕舡留備下運等因 戶部覆准遵行

一康熙六十一年六月署河道總督陳鵬年疏稱今歲重運糧舡據江安蘓松浙江江西各幫回空舡隻尚未到淮無從換載即令民舡過淮前進沿途換載并催買舡隻長運必須另給口糧水脚各幫旂丁因今年運務費繁請就近借河庫銀兩暫應急需按年扣還臣目覩糧舡停滯隨于河庫銀內借給江安糧道銀三萬兩蘓松糧道銀一萬兩浙江糧道銀一萬兩江西糧道銀一萬兩為催募民舡水脚諸費各道俱



議定回署照數解還河庫除各糧道將催募民船數  
目借給旗丁銀兩應聽漕臣另冊開報等因 戶  
部覆准借給銀兩令各糧道于回署之日即將漕項  
銀兩照數解還河庫外應令總漕將浙江江西旗丁  
所借銀兩于六十二年行月銀內扣還江安蘓松旗  
丁所借銀兩于六十二三兩年行月銀內扣還如不  
依限扣完即將該糧道題參着落賠補

一雍正元年九月總理事務和碩廉親王等議覆侍講

學士懷欽條奏遵

旨問過總漕張大有據稱回空船隻若有凍阻者該督撫催  
募民船兌運或將回空船隻迎船換載或長運抵通  
等語查漕糧關係要緊斷不可遲悞應令各省督撫  
將回空船隻若有凍阻不能抵次者照例催募民船  
長運抵通雖在途相遇回空船隻亦不必迎船換載  
如是則糧石不致虧折亦不致遲悞

一雍正元年九月江西巡撫裴率度疏稱江省漕船原



額一千三隻今止存現在運船六百九十九隻連年阻淺阻凍其六十年回空尚未到次其六十一年之回空更難接濟查現在出運六百九十九隻內除年滿容部應造又贛撫饒九等幫并安福鉛山永新袁州廣信等小幫共船三百二十六隻已嚴催趕回受兌外約計缺船三百七十三隻每年僱船裝運共需銀四萬三千五百餘兩僅足一年之用並非經久之謀况現今又奉採買米石江西湖廣上江俱應僱覓更無餘船若再責窮丁另造尤出萬難查漕船料價每隻額給二百八兩七錢七分三厘其寔工料需銀六七百兩不等再查楚省船式樣雖不及漕船高大而工料可省漕船之半所裝米數約與漕船相等且進閘吃水較漕船輕便請照原額一千三隻之數于現在六百九十九隻外再另造船三百四隻約需工料銀十萬餘兩在通省各官俸工內捐造并請借領船之運丁照雇募民船之例于行月內每米



一石扣銀五分為每年修船之費等因

戶部議

覆漕船凍阻經總理事務王大臣侍講學士懷欽等  
奏准令各省督撫將回空各船速催抵次若有凍阻  
不能抵次者照例催募民船令其長運抵通在案又  
覆准兵部侍郎李紱奏湖廣頭幫起至江西撫州尾  
幫止共船九幫計米四十三萬餘石暫就天津露囤  
收貯運船速催回空亦在案應行令總漕總河江西  
巡撫將六十六十一兩年并今年回空之船星催赴

次受兌如船隻不敷酌量催募民船裝運抵通再查  
江西省原額漕船一千三隻內除并造凌減及逃絕  
漂沒外現在出運船六百九十九隻每年裝運正耗  
漕米並無悞運六十六十一兩年阻凍阻凌今年尚  
未回次是以缺船三百七十三隻若盡數回空原無  
悞運今該撫題請公捐俸工另造船隻三百四隻令  
領運船隻之丁比照催募民船之例于該丁行月內  
每正米一石扣銀五分為每歲修船之費甚屬累丁



至捐俸之處近奉

俞旨凡地方遇有公事奏請捐俸之處著永行停止欽遵在

案應毋庸議

疏稱

一雍正元年十一月戶部題江安糧道所屬康熙四十

一五六七九五十一二三四五六七等年漕項奏銷

案內共支給江淮興武二衛造船鑄夫銀五萬二千

八百兩底料銀二萬六千兩九錢一分先經臣部以

各省外衛並無支給之例屢次駁追今准總漕張大

有仍請核銷查江興二衛歲造漕船支給料價銀二

百八兩零外又每隻支給鑄夫銀五十兩底料銀十

一二兩不等該督雖稱江興二衛並無贍運屯田什

軍幫貼是以省衛餘丁內編徵協濟銀兩以供造船

鑄夫底料之用實係循例支給等語但浙江江西等

省每船支給十丁行月江興二衛因無贍運屯田先

經署江寧巡撫何天培請支給十二丁行月臣部議

覆具題將五十四年起至五十七年止駁追者免其



追賠嗣後遵照定例支給今鑽夫底料銀兩除從前業經准銷者免其扣追外其餘各年支給過鑽夫底料銀兩部文駁追者該督作速追還報部嗣後永停支給如有擅自給發者指名題參等因題准遵行

一雍正二年五月奉

初旨

上諭江浙船政同知經管修造糧船侵漁特甚此官于漕政毫無裨益着即裁去欽此

一雍正二年七月工部等衙門會題康熙二十二年派

御史色克德將各省漕船式樣改定長七丈一尺寬

一丈四尺四寸成造料價銀一百七十七兩零載正

耗米共五百石土宜六十石康熙二十六年總漕募

天顏奏新定漕船式小載重喫水過深沉滯難前應

仍照舊給銀二百八兩七錢七分其式量加寬大經

九卿議覆准行嗣後拏丁水手惟圖多載土宜而湖

廣江西船隻漸展寬大其郭維新將湖北之滿號一

百八十九隻漕船改造長八丈三尺至八丈五六尺



不等舡底比舊舡狹二尺是以行走江湖通開不穩  
因喫水過深至內河起剝亦多臣等細加詳議除江  
南浙江河南山東四省漕舡由運河輓運並無悞漕  
不議外胡廣江西漕艘遠歷長江而江西省漕舡載  
糧比他省獨多應將此兩省漕舡以十丈為率短不  
得過九丈其寬丈尺酌量合式舡底務須寬平喫水  
不深起剝亦少應令總漕俟漕舡備號之時飭令兩  
省糧道照此式樣成造如有私比定式放寬大者即  
將糧道題參至給發料價銀兩仍照題定價銀二百  
八兩七錢零郭維新改造漕舡未奉

諭旨又未報明上司應革職交與刑部嚴加議罪其擅將十  
一二丈之舡改為八丈三尺至八丈五六尺不等計  
其所造舡隻丈尺將用過銀兩着落郭維新賠補十  
分之三勒限一年追繳藩庫其改造之舡仍俟備號  
時照定式成造等因奉

旨郭維新因擅行改造糧舡並非婪贓侵盜者可比從寬免



其追賠該部知道欽此

一雍正二年八月工部等部會題漕船定例每船已經十年滿號即應成造如十年滿號尚可加修出運仍令其加修出運一二年迨至腐朽不堪准其成造每船照定例給銀二百八兩七錢七分是滿號過號皆有年分而修船造船俱遵成例條奏內稱額設漕船約有八千隻每年抽造十分之一統計十年所造不惟無減于原額而且有多于原額等語查舊例江浙

等省漕船八千餘隻此係康熙十一年出運漕船之數歷年以來有損壞題豁積缺等項至雍正二年止存船七千餘隻十年輪造每年應造船七百餘隻統計十年所造之船與原額並未浮多條奏又稱嗣後每年造船不必計其船之總數加一抽造止就其本年抵通船數內准造十分之一等語查糧有截留停運之不一船有漂流或存之不同漂流者責令拏丁賠造不入歲造數內或存者如過出運之船未經回



次即將成存之舡修造以濟新運若必將抵通之舡  
抽造十分之一則回次或遲交兌迫促不及成造必  
致有悞新運且湖南湖北漕舡俱于十年滿疏一律  
報造尤難照抵通之數成造十分之一至于不及十  
隻之零舡亦照分數准給料價於錢糧並無節省應  
毋庸議條奏又稱料價銀兩從前有咨請題請之不  
一嗣後務必量其足用預先題請等語查料價銀兩  
兩向因舡政同知所管錢糧無多是以廠造不敷總

漕題請撥補今舡政同知已經裁革歸併糧道管理  
則不敷料價在糧道減存項下儘可支用無庸再行  
撥補亦應毋庸議其各省現經成造數目應如條奏  
行令總漕嚴飭各糧道乘此交代速即催查造冊題  
明分送部科以備查核

一雍正二年八月總督倉場法敏等奏稱據巡倉御史  
張坦麟移稱河南後幫粟米舡隻內有四十餘隻蓬  
桅矮小不堪等因 戶部覆查蓬桅丈尺俱有定



式漕船造完將委官匠作姓名及打造年月刻鑿船尾總漕驗烙先期損壞者追治監造員役又開糧道等官務須親臨造所依式成造如有打造違式指名題參今河南後幫四十餘隻蓬桅矮小不堪應令總漕將監造各官題參議處仍將該船蓬桅於監造各官名下依式賠造濟運

一雍正二年九月巡倉御史張坦麟奏稱各省漕船回空之日必須修葺整齊方可受兌乃往往到次許久

必俟新丁倉定始行修葺為時迫促不惟修葺一切潦草而逸准每逾定期請嗣後空船到次不必守候新丁應令該衛守備屆期赴道請領額定三修銀兩督令本船舵工即日修葺如或三修不敷酌量補給等因 戶部等部覆准漕船三修銀兩額定每船

每年給銀七兩五錢毋庸量增補給至漕船到次糧道即行給發三修銀兩令該船舵工立刻修葺堅固候兌新漕如該船旂丁或有事故應另僉新丁者即



着該舡舵工立刻修舡如有因修舡稽遲致悞漕糧  
免開過准限期者總漕嚴查題叅若該丁虛領錢糧  
並不修舡及受兌之時仍將原舡出運總漕於過淮  
盤驗之時察出即將糧道監兌押運該衛守備等官  
題叅議處修舡銀兩仍着落旂丁賠補

一雍正二年十月漕運總督張大有咨稱江寧清江浙  
江三廠舡政同知奉裁令糧道照別省旂丁成造之  
例需用銀兩在於各該省糧道項下給發則江寧廠

項下江鳳等府州所屬輕賫舡料旱腳等銀以及清

江廠項下廬鳳等府州所屬額解民七軍三料銀應

飭令解交江安糧道管理其濟南兗州東昌等府屬

衛所軍三料價應飭令解交山東糧道管理至浙江

廠項下杭州等府屬凌舡貢具銀兩應飭令解交浙

江糧道管理以供濟造之用其蕪湖淮安二關額供

造船銀兩以及河南歸德府額解料銀是否亦解糧

道衙門或應解部等因

戶部議覆前項額解江



寧清江浙江三廠銀兩俱令解交各該糧道衙門管  
理其河南歸德府額解料價銀亦交與山東糧道管  
理蕪湖淮安二關并杭閩額供造船銀兩飭令各關  
解部

一雍正二年十一月漕運總督張大有疏稱豫省雍正  
二年起運元年分漕糧前據河南糧道陳時夏詳報  
臨清等衛所運官郭治等共舡四百五十一隻免運  
於雍正元年十二月二十九日開幫北上經臣題報

在案今查豫省漕糧幫舡除德州衛等幫額舡一百  
八隻照數過關北上外其天津衛通州所徐州衛河  
南幫臨清衛河南後幫東昌衛平山前幫濟寧衛任  
城幫俱未照額數出運訊據各運弁阮德升等咸供  
上年旂舡河水凍阻不能趕赴各丁夥僱大舡裝運  
則是河南糧道以及押運官弁並不將各幫少舡情  
由據實詳明理合題參等因 兵部等部覆准定  
例官員徇庇者降三級調用應將河南糧道陳時夏



押運開封府通判江增城領運天津衛左所千總阮德升等均照例各降三級調用又定例內運官降級調用者已加之級不准抵銷阮德升一員任內雖有加級不准抵銷仍行革職

一雍正三年四月漕運總督張大有咨稱江寧淮安二府船政同知奉裁歸糧道管理今查江淮二廠不敷造船料價銀兩自應遵部在於道庫減存銀內動用報銷但漕運項下每歲餘剩減存銀兩無幾不敷動

用似應請于鳳倉減存銀內酌撥支用等因

戶部議覆江淮二廠每年照出運船數加一成造船二百四十餘隻每隻料價銀二百八兩零計算約需銀四萬九千餘兩除各屬徵解銀八千五百餘兩下剩不敷自應動用漕項各年減存銀兩檢查漕項奏銷

冊內每年實徵銀二十六萬二千餘兩米麥豆二十一萬七千九百餘石除支給行月錢糧外尚餘銀五萬餘兩折銀米麥豆四萬餘石儘足供漕船之需此



內即將未完尚有各年各案續完漕項錢糧亦可動  
用倉項錢糧各歸各案不便牽混遽准撥給應令該  
督嗣後成造漕舡將該年漕項實在戒存銀兩並各  
年續完銀兩盡數支給如果再有不敷于請造漕舡  
之時先行分晰明白報部酌撥

一雍正三年六月漕運總督張大有疏稱湖南額運漕  
舡奉部准給料價配造內有岳州旂丁呂添麟等九  
舡仍用上運回空舊舡並未攢造新艘所領料價嚴

追貯庫飭令照式成造周辛二等三十四舡造作草  
率灰艖未密內有間用雜木俟運回責令換造堅固  
武左衛旂丁李冬兒元年滿料舡自行墊價照舊式  
成造追奉部定新式改造不及料價銀兩現追繳庫  
今冬重造將承造之岳州衛守備陳大緯督造之糧  
道謝旻理合題參但該糧道曾經查明詳參合併聲  
明等因 工部等部覆准定例內經營倉造漕舡  
不力玩愒者罰俸一年應將陳大緯照例罰俸一年



追繳呂添麟等九舡併李冬兒一舡料價銀兩應飭  
該道另委賢員成造周辛二等三十四舡俟運回責  
令換造堅固至糧道謝曼旣據查明詳參應毋庸議  
一雍正三年八月總督倉場托時等疏稱揚州三幫回  
空漕舡內有十八隻俱無火稅又揚州四鎮江前等  
幫內亦無火稅係私賣可知應嚴行清查禁止等因  
奉

旨着張大有明白回奏欽此

一雍正三年九月漕運總督張大有題

戶部覆准

糧舡蓬桅器具等物係動支錢糧成造無庸私賣總  
漕職司漕務不能約束旂丁以致各幫賣去桅木應  
將漕運總督張大有照不行詳查例罰俸六個月其  
淮安等幫弁應令總漕查叅缺少桅木速飭各該幫  
弁丁到次及時買補毋悞新運嗣後漕舡開行之時  
該督嚴飭弁丁毋得私自變賣弁令倉場嚴禁通州  
木廠不許串通盜買



一雍正三年九月漕運總督張大有疏稱河南省協運  
幫舡例不過准今歲六月查驗徐州衛河南等四幫  
內有舡板破損桅木卑小缺少風篷者飭令該幫弁  
丁修理置備今復查河南等四幫舡板風篷仍未修  
補齊全相應題參等因 兵部議覆應將徐州衛

河南幫千總李年豐等均照例各罰俸一年

一雍正三年十一月江寧巡撫何天培題

戶部覆

准漕舡涉歷江湖長廣丈尺俱有定式木料釘鐵器

具俱宜新整堅寔故所給料價屢經酌定二百八兩  
零之數但不肖有司徃徃侵尅料價將廠造之舡止  
用舊料添改舡不堅固有悞漕運所關甚大應照舊  
價給發總漕嚴飭各糧道將料價銀兩親身如數給  
發旂丁不得分毫扣取務期成造堅固如有侵扣等  
弊總漕即將糧道等官指名題參交與該部從重議  
處侵扣銀兩嚴追入官

一雍正四年七月漕運總督張大有疏稱成造漕舡大



料木植在所急需山東不產桤木必須預先採買齊  
全方可臨期無悞等因 戶部覆准東省成造漕

舡令總漕飭令該糧道每年將應造舡隻先期查明  
委係過號滿號腐朽不堪加修者造具丁名出廠年  
第細冊送部一面發給料價令各幫公議殷實老誠  
芥丁二三名併遴委幹員預往南省購辦俟臣部將  
舡核明准造之日照同各衛所運官按舡分給親督  
儻造如有不肖官員串通官丁將木料高擡價值扣

剋芥丁立將該道併同買官丁題參再於漕舡造竣  
之日總漕親加查驗倘造不合式併木料不堅實者  
即着落該糧道名下賠造濟運併將衛所各官查參  
議處

一雍正四年九月漕運總督張大有疏稱各省現存漕  
舡數目准部行令徹底清查今查江興廬鳳等衛原  
額漕舡三千六百六十五隻九分內灰石減存洒帶  
舡四百五十五隻九分此外尚有新安等衛永城荒



減積缺暫減輪減等舡一百八十三隻現運舡三千  
二百一十隻江西省一十四隻幫原額漕舡一千三隻  
內除并造減浚舡七十四隻止存額舡九百二十九  
隻又有減存積缺舡二百二十一隻實在現運舡七  
百八隻蘓太等衛原額漕舡六百四十八隻內灰石  
減存洒帶舡一百四隻現運舡五百四十四隻浙江  
省額舡父遠案卷無考照上年冊開原奉單派舡一  
千五百五十八隻內灰石減存洒帶零舡三百四十

三隻現運舡一千二百一十五隻湖北省原額漕舡

并減存各卷於康熙二十七年焚燬無存所有實運

舡二百二十八隻湖南省原額並現在實運漕舡一

百八十二隻山東省原額漕舡並自備舡七百三十

一隻內輪流減存舡二十三隻共實運舡七百八隻

內自備舡三百一十二隻又協運河南省原額漕舡

三百二十七隻內輪流減存舡三十九隻現運舡二

百八十八隻天津右衛所原額自備旂舡十九隻內



洒戒旂舡二隻實派出運自備舡十七隻通州右所  
自備舡二十隻等因 戶部覆准各省漕舡將實  
在現運舡數作為定額內除旂丁自備舡隻例不給  
料價外再湖南北現運漕舡俟運滿十年一律請  
造其餘各省現運漕舡每年將滿號之舡俱照十分  
之一咨部請造如有可以加修出運者仍令加修出  
運不得將堪以加修之舡混請成造

一雍正五年閏三月總督倉場托時等奏稱戶部覆准

御史殷式訓條奏按汛造舡催漕一案據坐糧廳顧

琮等會同天津總兵委員料估每隻估用舊料實需

銀三十七兩六錢三分三厘今造舡六十隻共計銀  
二千二百五十七兩九錢八分應遵原奏重支稅課

銀兩照數給發責令辦買堅厚木料勒限成造工完  
之日坐糧廳會同該鎮查驗印烙發給各汛駕坐催  
饋將用過銀兩造入該年稅課奏銷冊內題具查核  
再查此項舡隻臣等前奏毋庸小修大修但寒冬水



凍停泊河干風吹日晒恐致滲漏臣等擬于茶果銀  
內每歲給小修銀二兩毋庸大修俟十年期滿照例  
另造等因奏准遵行

一雍正八年二月總督倉場徐天相題

戶部覆准

江南浙江江西山東等省成造漕舡係十分之內加  
一請造湖廣一省俟運滿十年統行請造總漕驗明  
有可以加修出運者仍令加修出運如果朽腐不堪  
方准成造今該侍郎請預將各省排造舡數年限先

期分晰題明但各省糧舡內如遇有錫缺之處例應  
查扣遇有漕糧陞增之處例應加造若預先題明則  
非朽腐之舡亦必概行准造多費料價錢糧應將該  
侍郎所請之處毋庸議仍令總漕轉飭各省糧道取  
具各弁丁並無需索扣減印甘各結送部如扣減工  
料銀兩以致造不如式或板薄釘稀之處總漕於糧  
舡過淮時查驗題參

一雍正八年七月總督倉場岳爾岱等疏稱五閘經紀



剝舡在通竇無堅固物料可買惟江西木價甚賤糧  
舡禁用舊料十年運滿不待舊舡回次即另造新舡  
出運其舊料撐駕回次徒費水手身錢飯食請將江  
西十年滿料舡隻准其在通竇與經紀改造剝舡等  
因 戶部議覆准行

一雍正九年正月工部奏稱向例各省漕舡回空例准  
該旗丁每舡量賣桅木一根以資路費俟回本省另  
行購買嗣於雍正三年經稽查倉場御史張坦麟條

奏禁止原恐多載私貨易致漕運遲滯今查糧舡來  
京原須張掛雙蓬其回空時止須單蓬將開桅一根  
平載舡上計每桅約數千觔轉致遲滯再查桅木在  
通竇賣回本省再置旂丁既得稍資路費而桅木逐  
年更換亦可經久且沿京內外需用木植處甚多若  
概行禁止于商民實多未便請仍遵舊例准其照例  
留賣如有官用臣等派員照時價置辦以備公務餘  
仍令商民買用等因奏准遵行



一雍正九年三月初五日欽奉

上諭江南江淮興武二衛旗丁名下有應追贖夫底料銀十萬八千一百餘兩查此項自康熙四十二年及雍正元年前後共二十載各丁僉替更換不一現今著追之人未必係當日領米之人其力既不能完未免有所拖累且令承追接催各官叅罰累累有碍考成亦可軫念朕思雍正三年以前拖欠錢糧之各案正在查明豁免而運丁効力漕儲尤朕所加意體恤者著將江興二衛應免贖夫底料銀

兩悉行豁免以示朕恩恤運丁之至意特諭欽此

一雍正九年四月漕運總督性桂咨稱揚州衛四幫每年出運丁船四十六隻內興化所船二十三隻兌運揚通二府屬漕糧軍旂貧疲並無殷實閑軍可以僉補請將該所實在窮苦消乏之丁裁歇八船其減船底料著令變價歸公再揚州衛二幫現有軍船一百隻每年止出運船六十八隻餘有減存三十二隻以為各幫撥補之用即於本衛餘剩船內選補出運等



因 戶部議覆准行

一雍正九年十一月漕運總督性桂等題 戶部覆

查先經陞任漕臣張大有以東豫二省額設淺舡共  
七百五十隻每歲起運及祥符縣被災減舡共需舡  
六百七十六隻實減存舡七十四隻內量存舡三十  
隻以備兩省陞科新漕并不時撥補之需其餘減存  
四十四隻停其打造可省料價又江南揚州衛二幫  
原額漕舡一百七十隻每年現運舡六十八隻餘舡

一百二隻內無底板舡三十六隻每舡底板銀五十

一兩分年著追外仍餘舡六十六隻內請將三十四

隻停其打造每舡追底板銀五十一兩可省歲造料

價仍留舡三十三隻與額運之六十八隻俟滿料輪

造臣部以額設漕舡原係按米派定若將減存舡隻

停其打造恐將來不敷裝運勢必復請重造所費過

多行令總漕會同巡撫確議具題今據總漕張大有

會同陞任蘓撫尹繼善疏稱揚州衛現在停造舡三



十四隻若再請造依然空停晒露且停造一舡則省  
帑銀二百八兩零倘遇添造之年亦只領銀二百八  
兩零並不多支與其先費以待後日之需不若暫停  
俟需舡之年再行請造又據總督性桂會同東撫岳  
濬疏稱東豫二省減存舡四十四隻若停其打造可  
省歲造料價每舡追底板銀五十一兩彙行解部不  
致有悞漕運查東豫二省并揚州衛二幫減存舡隻  
總漕既經會同巡撫驗明應令該督每舡照例追底

板銀五十一兩彙行解部并将停造舡隻造具丁名

年第細冊送部查核

一雍正九年十一月漕運總督性桂奏稱臣接大學士

張廷玉蔣廷錫寄字內開本年三月初五日奉

上諭江興二衛應追鑽夫底板銀兩朕已降諭旨開恩豁免  
但嗣後支給或照定例仍給鑽夫銀五十兩底板銀五十  
兩或從前給發此項銀兩之時上下扣剋原有浮冒朕以  
國家之加恩施惠務期受者得其寔濟鑽夫底料如實係



給與成造旂丁則自應照例賞給如徒為官吏分肥旂丁  
所得無幾是豈施恩立法之至意乎爾等寫字與性桂令  
其詳細確查將嗣後支給銀兩應否從前之數酌定密行  
奏聞朕再降諭旨欽此臣查從前給發此項銀兩原由糧  
道給發衛備轉給各丁經管書役人等紙筆飯食之  
費各丁不免亦有所費如浮冒虛銷扣剋分肥等弊  
臣詳細查察實無確據嗣後嚴飭道衛凡從前旂丁  
所有陋規概行革除勒石永禁再查旂丁成造漕舡

所領料價不敷又無贍貼幫貼故加鑽夫底料除鑽  
夫銀五十兩原無增減其料價一項係以十分計算  
每分銀五兩一錢若無底料者則全給銀五十兩有  
零或有底料不足則照不足分數補給是以合之鑽  
夫一項或有共給一百兩有零者或有共給五十餘  
兩以及六七十兩八九十兩不等者惟俟臨時查核  
底料乃有給發確數等因 戶部議覆准行

一雍正十年四月漕運總督性桂咨稱清江廠項下所



屬各衛每年歲造漕舡准部行文于考核時每舡搭解飯銀八錢應請按年搭解等因 工部議覆嗣後將歲造漕舡按年具題考核如任意遲緩該督卽行查叅

一雍正十一年七月河南山東河道總督朱藻題

戶部覆准嗣後總漕巡撫飭各糧道將十年滿號之舡先期請造預備物料原舡到次卽刻委官興工建造毋悞兌開倘將滿號舡隻匿不請造及請造遲延

者將衛備叅革至造完之後糧道親加詳驗於舡尾書鑿成造年月委官匠作姓名如有將舊舡粘補掩飾及造不如式者將監造官衛備旂丁嚴審究擬照例賠造倘糧道不親身查驗及徇隱不揭該總漕巡撫題叅議處

一雍正十二年五月湖北巡撫德齡題

戶部覆准

湖北漕舡將屆歲造之期該撫預將解部漕項銀兩先於頭年季報冊內酌定數目登明留備暫貯道庫



該撫按限盤查至漕舡輪造之年該糧道將季報存  
留數目彙繕清冊同應造丁名冊一併申送總漕于  
重運漕舡過准驗明送部臣部依限核覆該撫接准  
部覆將所需物料先期完備原舡到次立即興工配  
造濟運其動用銀兩造入奏銷冊內具題查核至接  
奉部覆之後如物料未經預備成造不能堅固該督  
即將承造各官照例題參

一雍正十三年六月漕運總督魏廷珍等疏稱各省漕

舡例係十年請領料價銀兩成造其歷限未足十年

內遇失風火燬事故舡隻有遵行賠造接運者有詳

稱無力賠造而買補裝運者又有因兄期緊迫將僱

民舡抵運者歷年以來循行在案覆查追賠料價自

康熙四年即有賠造之議蓋恐不肖旂丁視舡為官

物漠不關心以致朽壞所以懲之也追賠料價其費

少責令賠造其費多責令買補之舡倉場仍給限單

運回水次其費亦少於賠造責令僱募之舡倉場不



給限單舡不回次其費更少于買補又江廣漕舡受  
載本重又經由鄱湖大江較他省尤為險遠舡經七  
八年即腰直艚垂且各處水料貴賤不同難于畫一  
再三等畫自此以後其賠造買補雇募三項仍當並  
行又應分年之久暫而定其費之多少庶無偏枯如  
出廠新舡至五六年及未至五六年而有風火等事  
之失應責令賠造蓋尚有四五運方至十年成造也  
如至七八年而有事故者應責令買補蓋仍有三兩  
運方至十年成造也如至九年而有風火事故及朽  
壞不堪者應責令雇募蓋只運一次即是十年成造  
也至成造之年有期迫成造不及者亦准雇募一次  
其山東自備舡隻仍照舊雇募濟運大江<sup>再</sup>大湖黃河  
有事故者仍照舊例遵行等因 戶部議覆各省  
漕舡出廠至五六年及未至五六年而有風火等事  
之失責令賠造至七八年而有事故者責令買補至  
九年而有事故及朽腐不堪者責令雇募均至十年



造入歲造案內報部查核或在大江大湖黃河失風  
漂沒事故者仍照定例總漕各督撫勘明舡糧據實  
具題准予豁免旂丁水手人等被淹身故照例賞給  
至十年成造之舡有期迫成造不及者亦准催募一  
次之處查先經臣部覆准總河朱藻請嚴查驗糧舡  
等事案內令總漕將十年滿號之舡先期請造預備  
物料原舡到次即刻興工監造倘有遲延即將衛備  
叅革等因在案是應造漕舡未經到次之先業已預  
備物料到次即可興造不便仍行催募以滋弊端應  
將該總漕所請毋庸議

一雍正十三年六月江南江西總督趙弘恩疏稱江省  
各衛所將造漕舡<sup>新</sup>卅年支給三修銀兩于徐倉雍正  
七年奏銷案內經戶部以各省新舡均不支給修脩  
銀兩江南省未便獨異令確查妥議畫一咨覆當查  
江省新造漕舡<sup>又</sup>給修脩銀兩係康熙二十六年經  
前任總漕慕天顏題定每年每舡支給銀七兩五錢



十年共給銀七十五兩是以初年即為遵照支領十年均勻派給並非浮冒今各省新船既不支給修船銀兩江省請自雍正十二年為始新造漕船亦應停其支給從前支過銀兩免其著追等因 戶部議覆准行

一雍正十三年八月漕運總督顧琮疏稱各省每年起運船糧例由各省糧道查開幫次糧米船數造冊送臣核派全單年來往往於發單之後延至受兌期迫

各糧道或以朽腐或以失風賠造不及詳請催募買

補臣再四思維必須差委廉幹之員分往各省衛徹

底清查惟管糧同知通判於漕務素宜深悉臣請會

同各省督撫檄令司道每省揀選久任府佐一員于

回室抵次之日容臣查發漕船卷宗令其逐一徹底

清查各員亦當立法勸懲等因 戶部覆准清查

之員如能實力奉行事竣之日該督會同督撫保題議叙如奉行不力及受賄徇私該督等不時查叅另



委賢員清查仍將派委清查各員職名先行報部查  
核

一雍正十三年十一月吏部題稱准戶部奏湖南省雍  
正十二年應造漕舡因造冊舡錯誤總漕任意遲延  
以致不及成造僱募民舡受兌一案經臣部參奏奉  
旨魏廷珍既不將湖南應造漕舡遵例具題又不將糧道李  
正茂據實指參以致鍾保咨稱兌限已迫造舡不及請令  
僱募民舡為權宜之計魏廷珍玩忽公事又復瞻徇情面

著交部嚴察議奏所有僱募民舡隻之費著魏廷珍給發欵  
遵行文去後據陞任總漕魏廷珍等疏稱湖南頭二  
三幫各丁僱募民舡抵通例不回空間有自備民舡  
以原舡賣得原價有餘丁等實無賠累題請毋庸支  
給又經臣部以僱舡逗留生事殊為未便應給腳價  
著落魏廷珍即行遵

旨辦理等因題明在案今倉場咨報陞任總漕魏廷珍咨稱  
僱募自備之舡有在天津各處得受定銀有在通已



收賣價且今年僱募之舡不及上年之多應仍照例  
僱募之舡聽其自去自備之舡任其自賣隨一面仍  
飭照例免其回空臣部已題明行令總漕并倉場遵  
照辦理及漕舡將屆抵通魏廷珍自應會同倉場預  
行調劑乃不遵照視為漠然轉咨倉場僱募自備舡  
隻例不回空然上年湖南省僱募舡隻倉場即應咨  
部查例而遽免其回空已屬辦理舛錯今復援以為  
例是開各省效尤殊屬不合除臣部行文該倉場侍

郎塞爾赫等將該舡妥協辦理回次外理合據實奏

奏等因 吏部議覆應將原任漕運總督禮部尚

書魏廷珍倉場總督戶部侍郎塞爾赫呂耀曾均照

例各罰俸一年但事在雍正十三年九月初三日

恩赦以前均應免議




卷之四

宣中總府一府所屬而滿州一府并巧匠

把總明是

將身

也





程